



Tužilaštvo/Tužiteljstvo Bosne i Hercegovine

Тужилаштво Босне и Херцеговине

Broj: T20 0 KTO 0025425 24**Sarajevo, 23.12.2025. godine****SUD BOSNE I HERCEGOVINE
S A R A J E V O****Sudiji za prethodno saslušanje**

Na osnovu odredbi člana 35. stav 1., stav 2. tačka i), odredbi čl. 226. stav 1. i čl. 227. stav 1. i 2. Zakona o krivičnom postupku BiH /u daljem tekstu ZKP BiH/ podižem

OPTUŽNICU**Protiv:**

1. **ŠEHAGIĆ ELDINA zv. „Kljug“**, rođen 1999. godine u Zenici, državljanin BiH,
2. **MRAKOVIĆ MIDHETA**, rođen 1994. godine u Kaknju, državljanin BiH,
3. **ČOLAK ALDINA**, rođen 2002. godine u Zenici, državljanin BiH,
4. **IDRIZI EMRAHA**, rođen 1999. godine u Zenici, državljanin BiH,
5. **GRAHIĆ SAIDA**, rođen 1999. godine u Zenici, državljanin BiH,
6. **PANDŽIĆ EMINA**, rođen 1994. godine u Visokom, državljanin BiH.

Zbog postojanja osnovane sumnje da su:

U vremenskom periodu od februara 2024. godine do 20.12.2024. godine, Eldin Šehagić na njemu poznat način pribavio veći broj lažnih novčanica u apoenima od 200 Eura i 100 Eura u namjeri da ih stavi u opticaj kao prave na teritoriji Bosne i Hercegovine i na taj način pribavi protivpravnu imovinsku korist, nakon čega je organizovao grupu ljudi, u smislu člana 1. stava 20. Krivičnog zakona Bosne i Hercegovine, radi stavljanja u opticaj, tako pribavljenog, lažnog novca kao pravog, a čiji pripadnici su u ovom periodu postali najmanje Midhet Mraković, Aldin Čolak, Idrizi Emrah, Said Grahić, koji su znajući da je Eldin Šehagić pribavio lažni novac i da namjerava putem njih kao pripadnika grupe lažni novac staviti u opticaj kao pravi, pristali biti pripadnici grupe, pa su po neposrednim uputama Eldina Šehagića svjesno i htijući isto držali i stavljali lažni novac u opticaj kao pravi na području opština: Kiseljak, Tešanj, Jajce, Hadžići, Bijeljina, Gradiška, Srbac, Cazin, Bugojno, Zavidovići, Velika Kladuša i Zenica, tako što su u prodavnicama, u sastavu benzinskih pumpi i drugim prodavnicama, lažnim novčanicama kupovali X-bonove, sokove,

čokolade, cigarete i druge artikle manje vrijednosti a od radnika uzimali kursor u konvertibilnim markama, te kupljene X-bonove i kursor predavali organizatoru Eldinu Šehagiću, a on njima davao određenu naknadu, pa su tako u najmanje opisanim događajima:

Eldin Šehagić, Midhet Mraković i Aldin Čolak

1. Dana 15.04.2024. godine Eldin Šehagić od „(...)“ pozajmio putničko motorno vozilo marke „Peugeot 307“, karavan, sa zatamljenim staklima, nepoznatih registarskih oznaka, a zatim dao na upravljanje Mraković Midhetu, za koju uslugu mu je dao 100 konvertibilnih maraka, nakon čega su se Eldin Šehagić, Midhet Mraković, Aldin Čolak i „(...)“ sa navedenim putničkim motornim vozilom uputili u pravcu Tešnja i Jajca, gdje su stavili u opticaj lažne novčanice u apoenu od 200 Eura, pri čemu su svi znali da se radi o lažnim novčanicama, pa su:

1.1. Istog dana oko 15.50 sati, Eldin Šehagić, Midhet Mraković, Aldin Čolak i „(...)“ dovezli se do benzinske pumpe „(...)“, gdje je Aldin Čolak stavio u opticaj lažnu novčanicu u apoenu od 200 Eura serijskog broja ... kao pravu, kojom je kupio X-bon u vrijednosti od 50 konvertibilnih maraka serijskog broja ... dok ... i dvije čokolade, te od radnika benzinske pumpe „(...)“ uzeo kursor u iznosu od 334,10 konvertibilnih maraka, nakon čega se vratio u putničko motorno vozilo, te Eldinu Šehagiću predao kursor koji je dobio od radnika benzinske pumpe, nakon čega su se udaljili sa lica mjesta;

1.2. Istog dana oko 20:00 sati, Eldin Šehagić, Midhet Mraković, Aldin Čolak i „(...)“ dovezli se do benzinske pumpe „(...)“ ..., općina Jajce, gdje je „(...)“ stavio u opticaj lažnu novčanicu u apoenu od 200 Eura serijskog broja ... kao pravu, kojom je kupio X-bon u vrijednosti od 50 konvertibilnih maraka, kutiju cigareta i sok, te od radnika benzinske pumpe „(...)“ uzeo kursor u iznosu od 330 konvertibilnih maraka, nakon čega se udaljio sa lica mjesta;

1.3. Istog dana oko 20.15 sati, Eldin Šehagić, Midhet Mraković, Aldin Čolak i „(...)“ dovezli se do benzinske pumpe „(...)“ ..., općina Jajce, gdje je Aldin Čolak stavio u opticaj lažnu novčanicu u apoenu od 200 Eura serijskog broja ... kao pravu, kojom je kupio X-bon u vrijednosti od 50 konvertibilnih maraka i kutiju cigareta, te od radnika benzinske pumpe „(...)“ uzeo kursor u iznosu od 341 konvertibilnih maraka, nakon čega su se udaljili sa lica mjesta.

Eldin Šehagić i Midhet Mraković

2. Dana 17.04.2024. godine oko 05.20 časova na benzinskoj pumpi „(...)“, u Bijeljini, nakon što je Eldin Šehagić na njemu znan način pribavio lažne novčanice u apoenu od 200 Eura s ciljem da ih stavi u opticaj kao pravi, te od „(...)“ unajmio automobil „Citroen C4“ registarskih oznaka ... radi izvršenja krivičnog djela, kojim su se Eldin Šehagić i Midhet Mraković dovezli do benzinske pumpe „(...)“ ..., grad Bijeljina, gdje je Midhet Mraković stavio u opticaj lažnu novčanicu u apoenu od 200 Eura serijskog broja ... kao pravu, znajući da je novčanica lažna, kojom je kupio dva X bona serijskih brojeva: ..., ... i ... u vrijednosti od po 50,00 konvertibilnih marka i

jedan sok u vrijednosti od 1,20 konvertibilnih marka i od radnika benzinske pumpe „(...)“ uzeo kusur u iznosu od 286,80 konvertibilnih maraka, te se udaljio sa lica mjesta, nakon čega je Eldin Šehagić kupljene X-bonove iskoristio u poslovnici kladionice „(...)“ Istočno Novo Sarajevo i uplatio na virtuelni račun broj ... registrovan na ime „(...)“ iz Kaknja – Eldina Šehagića iz Kaknja i broj registrovan na ime Said Grahić iz Kaknja.

Eldin Šehagić, Midhet Mraković i Idrizi Emrah

3. Dana 19.04.2024. godine, na području opština Gradiške i Srpca, nakon što je Eldin Šehagić na njemu znan način pribavio lažne novčanice u apoenu od 200 Eura s ciljem da ih stavi u opticaj kao prave, Eldin Šehagić od „(...)“ unajmio automobil „Citroen C4“ registarskih oznaka ..., uz naknadu od 100 KM, te povjerio automobil Midhetu Mrakoviću da istim upravlja te istom dao šest novčanica u apoenu od 200 Eura da podjeli ostalim pripadnicima grupe, pri čemu su svi znali da se radi o lažnim novčanicama, nakon čega su se Midhet Mraković i Idrizi Emrah sa navedenim putničkim motornim vozilom uputili u pravcu Sanskog mosta, gdje su stavili u opticaj lažne novčanice u apoenu od 200 Eura kao prave, pa su tako:

3.1. Istog dana oko 04,45 sati, Midhet Mraković i Idrizi Emrah dovezli se do benzinske pumpe „(...)“ Sarajevo, PJ Gradiška – Čatrnja, u koju su zajedno ušli Mraković Midhet i Emrah Idrizi, gdje je Emrah Idrizi stavio u opticaj lažnu novčanicu u apoenu od 200 Eura, serijskog broja ..., znajući da je novčanica lažna, kojom je kupio dvije kutije cigareta „Lucky strike“ i jedno pakovanje žvakaćih guma ukupne vrijednosti od 13.70 konvertibilnih maraka, te od radnika benzinske pumpe uzeo kusur u iznosu od 373,00 konvertibilnih maraka, nakon čega su se obójica vratila u vozilo, te se svi zajedno uputili u pravcu Srpca;

3.2. Istog dana oko 05,30 sati Midhet Mraković i Idrizi Emrah dovezli se do benzinske pumpe „(...)“ u Srpcu, gdje je Emrah Idrizi stavio u opticaj lažnu novčanicu u apoenu od 200 Eura serijskog broja ... kao pravu, znajući da je novčanica lažna, kojom je pokušao kupiti X-bon u vrijednosti od 50 konvertibilnih maraka, ali je radnik benzinske pumpe „(...)“ vidjevši da se radi o sumnjivoj novčanici pozvao policiju, koji su Emraha Idrizija i Mraković Midhata lišili slobode, te od Emraha Idrizija privremeno oduzeli lažnu novčanicu u apoenu od 200 Eura serijskog broja ...

Eldin Šehagić

4. Dana, 05.05.2024. godine, u vremenskom periodu od 18:00 do 19:00 sati, u razmaku od nekoliko minuta, u Zavidovićima, u „(...)“, u ulici ..., zajedno sa „(...)“, lažni novac stavili u opticaj kao pravi i to u apoenima od po 100 € u „(...)“ Zavidovići u namjeri da plate kupljene artikle, Eldin Šehagić dao uposlenici „(...)“ novčanicu u apoenu od 100 €, serijskih slova i brojeva: ..., za koju je znao da je lažna a kojom je „(...)“ u tom trenutku ne sumnjajući da se radi o lažnoj novčanici naplatila kupljeni X bon u iznosu od 50 KM i „seven days“ mini kroasane i vratila kusur u iznosu od 140 KM i još nešto sitnog kovanog novca da bi nakon toga ušao „(...)“ i dao uposlenici

„(...)“ novčanicu u apoenu od 100 €, serijskih slova i brojeva: ... za koju je znao da je lažna a kojom je „(...)“ u tom trenutku ne sumnjajući da se radi o lažnoj novčanici naplatila kupljeni X bon u iznosu od 50 KM i vratila kusur u iznosu od 143 KM da bi nakon predaje pazara ... „(...)“ isti utvrdio da su lažne i o svemu obavijestio Policijsku stanicu Zavidovići.

Eldin Šehagić i Said Grahić

5. Dana 22.07.2024. godine, na području Cazina i Velike Kladuše, Eldin Šehagić, Said Grahić u društvu „(...)“ s ciljem da lažni novac stave u opticaj kao pravi, sa putničkim motornim vozilom marke VW Golf, karavan, tamne boje, registarskih oznaka ..., kojeg je Šehagić Eldin koristeći kao posrednika „(...)“ unajmio od „(...)“, kojim su se dovezli na područje Unsko-Sanskog kantona, te na području Cazina i Velike Kladuše više puta stavili u opticaj lažne novčanice u apoenu od 100 Eura, pa su tako:

5.1. Istog dana oko 07.50 sati, dovezli se do benzinske pumpe „(...)“ u naselju Ostrožac, grad Cazin, gdje je „(...)“ stavio u opticaj lažnu novčanicu u apoenu od 100 Eura serijskog broja: ... kao pravu, znajući da je novčanica lažna, kojom je kupio X bon u vrijednosti od 50 konvertibilnih maraka i od radnika benzinske pumpe „(...)“ uzeo kusur u neutvrđenom iznosu, nakon čega se vratio u vozilo, nakon čega je kupljeni X-bon iskorišten u kladionici „(...)“ Istočno Novo Sarajevo i uplaćen na virtualni račun broj ... registrovan na ime Said Grahić iz Kaknja;

5.2. Istog dana oko 10.00 sati, dovezli se do benzinske pumpe „(...)“ u naselju Čoralići, grad Cazin, gdje je Eldin Šehagić lažnu novčanicu u apoenu od 100 Eura stavio u opticaj kao pravu, znajući da je novčanica lažna, kojom je kupio X-bon u vrijednosti od 50 konvertibilnih maraka i od radnika benzinske pumpe „(...)“ uzeo kusur u neutvrđenom iznosu, nakon čega se vratio u vozilo, nakon čega je kupljeni X-bon iskorišten u kladionici „(...)“ Istočno Novo Sarajevo i uplaćen na virtualni račun broj ... registrovan na ime Said Grahić iz Kaknja;

5.3. Istog dana iza 10.00 sati, dovezli se do benzinske „(...)“ Velika Kladuša u Velikoj Kladuši, gdje je Said Grahić stavio u opticaj lažnu novčanicu u apoenu od 100 Eura serijskog broja ... kao pravu, znajući da je novčanica lažna, kojom je kupio jedan sok i kutiju cigareta i od radnice benzinske pumpe „(...)“ uzeo kusur u neutvrđenom iznosu, nakon čega se vratio u vozilo;

5.4. Istog dana u popodnevnom satima, dovezli se do benzinske pumpe „(...)“ u naselju Vrnogračka Slapnica, općina Velika Kladuša, gdje je Eldin Šehagić stavio u opticaj lažnu novčanicu u apoenu od 100 Eura kao pravu, znajući da je novčanica lažna, kojom je pokušao kupiti X-bon u vrijednosti od 50 konvertibilnih maraka, ali je „(...)“ radnik benzinske pumpe vidjeviši da se radi o sumnjivoj novčanici odbio primiti novčanicu, nakon čega se Eldin Šehagić vratio u vozilo;

5.5. Istog dana u poslijepodnevnom satima, dovezli se do benzinske pumpe „(...)“ u naselju Todorovo, općina Velika Kladuša, gdje je Said Grahić stavio u opticaj lažnu novčanicu u apoenu od 100 Eura serijskog broja ... kao pravu, znajući da je

novčanica lažna, kojom je kupio X bon serijskog broja ... koda ... u vrijednosti od 50 konvertibilnih maraka i od radnika benzinske pumpe „(...)“ uzeo kusur u tačno neutvrđenom iznosu, a kupljeni X-bon iskorišten 22.07.2024. godine u poslovnici kladionice „(...)“ Istočno Novo Sarajevo i uplaćen na virtuelni račun broj ... registrovan na ime Said Grahić iz Kaknja.

Eldin Šehagić

6. Dana 25.02.2024. godine, oko 20,30 sati, na benzinskoj pumpi „(...)“ u mjestu Dugo Polje, općina Kiseljak, stavio u opticaj lažnu novčanicu u apoenu od 200 Eura serijskog broja ..., znajući da je novčanica lažna, kojom je kupio X-bon serijskog broja ... u vrijednosti od 50,00 konvertibilnih maraka i jedan paket cigareta „Davidoff gold“ i od radnice benzinske pumpe „(...)“ uzeo kusur u iznosu od 286,80 konvertibilnih maraka, nakon čega se udaljio sa lica mjesta;
7. Dana 21.07.2024. godine oko 16:00 sati u mjestu Čipuljić, općina Bugojno, stavio u opticaj lažnu novčanicu u apoenu u apoenu od 100 € serijskog broja ..., došao na benzinsku pumpu „(...)“ koja se nalazi uz magistralni put Bugojno – Kupres gdje je iz frižidera uzeo dva soka u vrijednosti od 6,00 KM i bon u vrijednosti od 56,00 KM koje je „(...)“ radniku benzinske pumpe platio lažnom novčanicom u apoenu od 100 € serijskog broja: ... za koju je znao da je lažna novčanica, koju je „(...)“ u tom trenutku ne sumnjajući da se radi o lažnoj novčanici primio i vratio Eldinu Šehagiću kusur u iznosu od 137,00 KM, da bi „(...)“ tek sutradan od šefa „(...)“ saznao da se radi o lažnoj novčanici što je i prijavio Policijskoj stanici u Bugojnu;
8. Dana 20.12.2024. godine, oko 00:02 sati, na benzinskoj pumpi „(...)“ na adresi ..., općina Zenica stavio u opticaj lažnu novčanicu u apoenu od 200 Eura serijskog broja ..., znajući da je novčanica lažna, kojom je kupio X-bon u vrijednosti od 50,00 konvertibilnih maraka serijskog broja ..., X-bona u vrijednosti od 10,00 konvertibilnih maraka serijskog broja ..., X-bona u vrijednosti od 10,00 konvertibilnih maraka serijskog broja ... i tri kutije cigareta marke „Marlboro“ i od radnika benzinske pumpe „(...)“ uzeo kusur u iznosu od 295,00 konvertibilnih maraka, nakon čega se udaljio sa lica mjesta.

Eldin Šehagić i Emin Pandžić

9. Dana 14.09.2024. godine, na području Hadžića i Tarčina, Eldin Šehagić i Emin Pandžić s ciljem da lažan novac stavi u opticaj kao pravi, za koji su znali da je lažan i koji je prethodno nabavio Eldin Šehagić, sa putničkim motornim vozilom marke „BMW“, registarskih oznaka ..., postavljenih u unutrašnjosti vozila, vlasništvo „(...)“, kojim je upravljao Pandžić Emin dovezli se na područje Hadžića i Tarčina i stavili u opticaj lažne novčanice u apoenima od 200 Eura i 100 Eura, pa su tako:

- 9.1. Istog dana oko 15.40 sati Eldin Šehagić i Emin Pandžić u mjestu Donji Zovik do br ..., općina Hadžići ispred kuće vlasništvo „(...)“, koja je locirana pored magistralnog puta, gdje je bila izložena razna polovna roba, nakon kraćeg razgovora sa prodavačem „(...)“ kupili jednu ručnu akumulatorsku pilu tzv. „cirkular“ marke „Makita“, zeleno-crne boje i dvije baterije marke „Makita“ crne boje i kojom

prilikom je Eldin Šehagić prodavaču „(...)“ predao novčanicu u apoenu od 200 Eura serijskih slova i brojeva: ..., znajući da je novčanica lažna pa nakon što je od prodavača preuzeo kusur u iznosu od 310,00 konvertibilnih maraka, udaljili se sa lica mjesta da bi nakon toga prodavač „(...)“ posumnjao u ispravnost novčanice i pozvao policiju, pripadnici PU Hadžići locirali BMW vozilo crne boje registarskih oznaka ... u mjestu Tarčin, općina Hadžići nakon čega je po Naredbi za pretres broj ... od 14.09.2024. godine izvršen pretres istog pmv, kojom prilikom je pronađena i oduzeta jedna akumulatorska pila tzv. „cirkular“ marke „Makita“, zeleno-crne boje i dvije baterije marke „Makita“ crne boje;

9.2. Istog dana oko 16.00 sati, u prodavnici „(...)“ u naselju Tarčin, općina Hadžići, Emin Pandžić stavio u opticaj lažnu novčanicu u apoenu od 100 Eura, serijskog broja ..., znajući da je novčanica lažna, kojom je platio pakovanje čipsa i dva soka, koju novčanicu radnica „(...)“ nije htjela primiti, da bi po izlasku iz prodavnice, vidjevši policiju, Emin Pandžić krivotvorenu novčanicu u apoenu od 100 Eura, serijskog broja ..., bacio u pravcu potoka Mlavica, a koju je prilikom obilaska terena pronašao i izuzeo policijski službenik PU Hadžići i Trnovo „(...)“.

Dakle,

Šehagić Eldin, organizovao grupu ljudi sa ciljem stavljanja lažnog novca u opticaj, pribavio lažni novac u namjeri da ga stavi u opticaj i takav novac sam ili posredstvom drugih lica stavlja u opticaj kao pravi,

Mraković Midhet, postao pripadnik grupe ljudi organizovane sa ciljem stavljanja lažnog novca u opticaj kao pravog i takav novac stavlja u opticaj kao pravi,

Čolak Aldin, postao pripadnik grupe ljudi organizovane sa ciljem stavljanja lažnog novca u opticaj kao pravog i takav novac stavlja u opticaj kao pravi,

Idrizi Emrah, postao pripadnik grupe ljudi organizovane sa ciljem stavljanja lažnog novca u opticaj kao pravog i takav novac stavlja u opticaj kao pravi,

Grahić Said, postao pripadnik grupe ljudi organizovane sa ciljem stavljanja lažnog novca u opticaj kao pravog i takav novac stavlja u opticaj kao pravi,

Pandžić Emin, stavio lažan novac u opticaj kao pravi.

Čime su:

Šehagić Eldin, radnjama opisanim u preambuli i pod tačkama:

- pod tačkom 1, 1.1., 1.2., 1.3., 2., 3, 3.1, 3.2, 4, 5., 5.1., 5.2., 5.3., 5.4., 5.5., 6., 7., 8., 9., 9.1. i 9.2. počinio krivično djelo „Udruživanje radi činjenja krivičnih djela“ iz člana 249. stav 1. Krivičnog zakona Bosne i Hercegovine, u sticaju sa krivičnim djelom

„Krivotvorenje novca“ iz člana 205. stav 2. u vezi sa stavom 1., u vezi sa čl. 54. KZ BiH;

Mraković Midhet, radnjama opisanim u preambuli i pod tačkama:

- pod tačkom 1., 1.1., 1.2., 1.3., 2., 3, 3.1 i 3.2. počinio krivično djelo „Udruživanje radi činjenja krivičnih djela“ iz člana 249. stav 2. Krivičnog zakona Bosne i Hercegovine, u sticaju sa krivičnim djelom „Krivotvorenje novca“ iz člana 205. stav 1. u vezi sa čl. 54. KZ BiH;

Čolak Aldin, radnjama opisanim u preambuli i pod tačkama:

- pod tačkom 1., 1.1., 1.2., 1.3., počinio krivično djelo „Udruživanje radi činjenja krivičnih djela“ iz člana 249. stav 2. Krivičnog zakona Bosne i Hercegovine, u sticaju sa krivičnim djelom „Krivotvorenje novca“ iz člana 205. stav 1. u vezi sa čl. 54. KZ BiH;

Idrizi Emrah, radnjama opisanim u preambuli i pod tačkama:

- pod tačkom 3, 3.1., 3.2. počinio krivično djelo „Udruživanje radi činjenja krivičnih djela“ iz člana 249. stav 2. Krivičnog zakona Bosne i Hercegovine, u sticaju sa krivičnim djelom „Krivotvorenje novca“ iz člana 205. stav 1. u vezi sa čl. 54. KZ BiH;

Grahić Said, radnjama opisanim u preambuli i pod tačkama:

- pod tačkom 5., 5.1., 5.2., 5.3., 5.4. i 5.5. počinio krivično djelo „Udruživanje radi činjenja krivičnih djela“ iz člana 249. stav 2. Krivičnog zakona Bosne i Hercegovine, u sticaju sa krivičnim djelom „Krivotvorenje novca“ iz člana 205. stav 1. u vezi sa čl. 54. KZ BiH;

Pandžić Emin,

- pod tačkom 9., 9.1. i 9.2. počinio krivično djelo „Krivotvorenje novca“ iz člana 205. stav 1. u vezi sa čl. 54. KZ BiH.

TUŽILAC
TUŽILAŠTVA/TUŽITELJSTVA BiH